



SAKSFRAMLEGG

Saksnr:	Utval:	Dato
	Bygdeutviklingsutvalet	

Sakshandsamar:	Arkiv:	ArkivsakID
Tore Henrik Øye	FA-V12, FE-223	23/1116

HANDSAMING AV SØKNAD OM BYGDEUTVIKLINGSMIDLAR TIL RASTEPLASSAR I EKSINGEDALEN

Vedlagte saksdokument:

Søknad om bygdeutviklingsmidlar - Støtte til rasteplassbenker
Kartplassering av benker

Kommunedirektøren sitt framlegg til vedtak:

Bygdeutviklingsutvalet løyver inntil kr. 8 000,- i bygdeutviklingsmidlar til Øvre Eksingedalen Grunneigarlag til opprusting av 4 rasteplassar i dalen som grunnlag for opplevingar og rekreasjon.

Tilskotet utgjer 66 % av budsjettert og godkjend kostnad på kr. 12 400,-. Løyvinga er gjort som eit «fast» eingongsbeløp.

Tilskotet vert betalt ut etter innsending av sluttrapport, med betalingsoppmoding og kostnadsdokumentasjon.

Løyvinga gjeld i to år, fram til og med 01.10.2025.

Saksopplysningar:

Samandrag/konklusjon (kort om saka)

Bygdeutviklingsutvalet har kr. 265 000,- til fordeling ved søknadsrunden i september 2023. Samla sett er det søkt om kring kr. 760 000,- i tilskot, fordelt på 11 søknadar.

I søknad av 23.08.23 søkjer Øvre Eksingedalen Grunneigarlag om tilskot til vedlikehald av 4 rasteplassar i Øvre Eksingedalen, gjennom innkjøp av rasteplassbenkar.

Innkjøpet er kostnadsrekna til kr. 12 400,-. Det vert søkt om finansiering av heile beløpet.

Med bakgrunn i målsetjinga til bygdeutviklingsmidlane, søknaden sitt innhald og tilgjengelege midlar, går Kommunedirektøren inn for å løyve kr. 8 000,- til innkjøp av fire rasteplassbenkar. Tilskotet utgjer 66 % av budsjettert kostnad, som er kr. 4 200,- mindre enn kva det er søkt om.

Bakgrunn for saka

Bygdeutviklingsutvalet har lyst ut ny søknadsrunde for bygdeutviklingsmidlane, med kr. 265 000,- til rådvelde. Det kom inn 11 søknadar, med ein samla søknadssum på om lag kr. 760 000,-.

Målet med tilskotsordninga er å skape trivnad i bygdesamfunnet, og stimulere til aktivitetar og opplevingar som er opne og tilgjengelege for alle. I dette høvet kan lag, organisasjonar, verksemder og einskildpersonar søkje om tilskot prosjekt eller gjeremål med ålmennyttig verdi.

I søknaden av 23.08 søker Øvre Eksingedalen Grunneigarlag om kr. 12 400,- i tilskot for å dekkje innkjøp av fire rasteplassbenkar, med ein kostnad på kr 3 100,- per stykk. Benkane er levert av Bergen fengsel. Det vert søkt om 100 % finansiering.

Rasteplassane er plassert langs fylkesvegen på Bergo og Nesheim, ved Trefallsstranda og på Gullbrå.

Det går fram av søknaden at føremålet med tiltaket er innby til kvile og opplevingar for både innbyggjarar og tilreisande/forbipasserande, for å strekkje på føtene og ikkje berre haste forbi. Rasteplassane har fine omgjevningar, og det er mellom anna høve til å prøve fiskelukka, leige båt og å gjere andre aktivitetar ut frå plassane.



Rasteplass ved Bergovatnet. Bilete frå www.eksingedalen.no

Det er lagt ned lokal dugnadsinnsats ved opprustinga av rasteplassane. Denne er ikkje konkretisert i søknaden, men vert teken omsyn til i vurderinga.

Formelt grunnlag:

- «Retningslinjer for tilskot til bygdeutvikling», vedtekne 26.05.20.
<https://www.vaksdal.kommune.no/innhald/landbruk-nering-og-skatt/bygdeutvikling/retningslinjer-for-tilskot-til-bygdeutvikling/>

Vurdering og konsekvensar:

Søknaden vert vurdert som tilstrekkeleg opplyst for sakshandsaming og vedtak etter gjeldande krav.

I følge bygdeutviklingsmidlane sine retningslinjer, skal midlane brukast til ålmennyttige føremål og leggje til rett for aktivitet i bygdene, med varierte opplevingar og levande bygdeliv. I dette inngår mellom anna tilskot til materiell, utstyr og opprusting i samband med ulike prosjekt.

Kommunedirektøren vurderer at søknaden frå Øvre Eksingedalen Grunneigarlag, fell inn under bygdeutviklingsmidlane sitt føremål. Opprustinga av rasteplassane langs fylkesvegen innbyr til å stoppe opp og å oppleve landskapet i dalen, samstundes som det er mogleg å både fiske, leige båt og gå tur ut frå dei fire plassane. Tilrettelegginga vert difor sett på som eit trivnadstiltak, der fornyinga med rasteplassbenker vil stimulere til ytterlegare bruk. Det er elles positivt at bygdefolket tek initiativ til vedlikehald når det er naudsynt.

Med bakgrunn i søknaden sitt innhald, bygdeutviklingsmidlane sine retningslinjer og tilgjengelege midlar, gjer Kommunedirektøren framlegg om å løyve kr. 8 000,- til vedlikehald av rasteplassane i Øvre Eksingedalen. Dette er kr. 4 400,- mindre enn kva det er søkt om, med ein finansieringsgrad på 66 %.

Utbetalinga vert knytt til faktiske kostnadar ved sluttrapportering.

Bygdeutviklingsmidlane sine retningslinjer seier at det skal takast omsyn til geografisk finansiering ved bruk av midlane, og at bygder som ikkje har fått midlar tidlegare, skal prioriterast. I dette høvet har dei aller fleste bygdene i kommunen fått tildelingar, som regel fleire gonger, mellom anna Eksingedalen. I gjeldande søknadsomgang kom det inn tre søknadar frå dalføret, som er teke med i den samla vurderinga av innkomne søknadar.